



## Universitätsbibliothek Paderborn

**Sancti Lvdovici Caroli II. Regis Siciliæ Filii, Ex Ordine  
Minorvm Episcopi Tolosani Vita**

**Sedulius, Henricus**

**Antverpiæ, 1602**

Cap. XVII. Probatos tantùm admittit in sortem Domini, quos non vestibus  
ornari cupit, sed virtutibus. De prudentiâ vitæ totius directrice.

**urn:nbn:de:hbz:466:1-42834**

## CAP. XVII.

*Probatos tantum admittit in sortem Do-  
mini, quos non vestibus ornari cupit, sed  
virtutibus. De prudentia vita totius  
directrice.*

Cant.  
2.4.

**T**empus est tandem, præcipua iustitiæ fa-  
cta paucis prescribere, in quâ semper  
versatus fuit religiosâ cum obseruatione:  
quia rationi cupiditatem cum ceteris affe-  
ctionibus cedere iubens, nihil utile existima-  
uit, quod æquum videri non posset. ex uno  
atque altero illius, de ecclesiastici status cu-  
rà, exemplo, quid de aliis censendum sit, fa-  
cile recognoscet. Itaque Ludouicus à Chri-  
sto inductus in cellam vinariam, ordinata in  
in se habuit charitatem: quâ instructus, no-  
uerat digna delegere, reprobanda submoue-  
re, rectè iudicare; & quæ omnia conseruat,  
colere iustitiam, quæ tribuit cuique suum.  
Summo amore complectebatur viros pios,  
doctos præsertim: quos etsi mundus con-  
temneret, tamen efferebat. Contrà verò, po-  
tentest, diuites, sed improbos, indignos puta-  
bat Dominicâ sorte. Amore & reuerentiâ il-  
lius augustissimi Sacramenti, quo nihil pre-  
tiosius est in cælo aut in terrâ; magnum ha-  
bebat delectum ministrorum altaris, in dele-  
gendis idoneis sacerdotibus iudicium adhi-  
bens, & diligentiani summam. Nam initian-  
iustitia  
raditus  
cuique  
suum tri-  
but.  
In mores  
initian-  
dorum.  
serio in-  
quirit.

D 4 dorum

dorum genus, personam, ætatem, institutio-  
nem, vitam, doctrinam, fidem accuratè inue-  
stigabat, examinabatque, Canonum præscri-  
ptæ seuerè exsequens. Probis moribus cum  
honestæ vitæ testimonio conspicuos, dignos  
censebat Dominico mysterio. Ecclesiastica  
Sacerdotia antequam cuiquam conferret,  
merita singulorum librabat, personas non  
respiciens: mores sequebatur, non fortunam.

*Merita  
conside-  
ravit non  
personas.*

& vt rectè beneficia collocaret non sparge-  
ret, dabat iudicio & habito delectu, vt per-  
ueniret ad dignos. Decet enim actuum, ope-  
rumque nostrorum testem esse publicam  
existimationem, ne derogetur muneri: vt qui  
videt ministrum altaris congruis ornatum  
virtutibus, auctorem prædicet, & Dominum  
veneretur, qui tales habeat seruos. Laus  
Domini ubi munda possessio, & innocens fa-  
miliæ disciplina. Igitur primùm studebat  
**Clericos** mundari, deinde mundare. lucem  
fieri, post, alios illuminare. sanctificari, tum  
sanctificare. adpropinquare Deo, & ita de-  
num aliros adducere. Magnam agebat cu-  
ram Ministrorum Christi: arbitratus longè  
melius esse, Domini Sacerdotium paucos  
habere idoneos, quam multos inutiles, qui  
addant onus, non honorem. Porro autem  
nimium corporis cultum, nitidas & pretio-  
*Vestes Sa  
cerdota-  
les.*

sas vestes Clero suo prohibuit: etenim cui  
cultus nimia cura, magna est virtutis incuria.  
cum plerumque sordidæ vestes candidæ  
mentis indicia sunt, & contemptum saceruli  
pro-

probant . ordinis tamen cuiusque veste con-  
ueniente volebat ornatos . At verò multo  
pulchrius animum præferre compositum ,  
quàm corpus ornatum . Proprius ornatus mi-  
nistri Christi , mores boni . Erat in eo solers  
& circumspēcta prudentia , sine quâ nulla vir-  
tus ; & hæc aucta Dei beneficio , ars illi fuit &  
norma viuendi . Ita enim moribus erat com-  
positis & aptis in omni vitæ statu , nusquam  
ut à recto exorbitaret & decoro . Necdum  
initiatus probissimè ; factus Clericus religio-  
sissimè ; creatus Episcopus sanctissimè vixit .  
Omnem vitam optimè instituit , quasi singu-  
lis officiis assuetus , & in omni functione de-  
tritus : quia ad omnia adhibebat ductorem  
bonum , Dei timorem , & rectæ rationis sa-  
num iudicium .

## C A P V T X V I I I .

*Ludouicus omnibus corporis & animi dotibus  
cohonestatus , febriens ad mortem se  
parat .*

Postquam Deus Optimus Maximus , ad  
sui honorem , & Christianorum bonum ,  
lucernam illam positam super candelabrum  
omnibus lucere , qui in Ecclesiæ domo , per  
Reg. varias regiones circumduxisset , quasi quan-  
8. dam Israeliticam arcam , ad fidelium confir-  
mationem : visum tandem est illi , Ludoui-  
cum admodum adolescentem , traducere ad

D 5 opti-